



## **Vedtekter for studentidrettslaget Studentspreppen Sogndal**

### **§ 1. Føremål**

Studentidrettslaget Studentspreppen skal arbeide for at treningstilbodet til studentane i Sogndal skal bli best mogeleg. Studentidrettslaget i Sogndal skal sørge for å gje studentane eit variert og allsidig treningstilbod. Arbeidet skal vere prega av frivilligheit, demokrati, lojalitet og likeverd. All idrettsleg aktivitet i idrettslaget skal byggje på grunnverdiar som idrettsglede, fellesskap, helse og ærlegdom.

### **§ 2. Medlemskap**

Alle studentar som studerer ved Høgskulen i Sogn og Fjordane har høve til å bli medlem i Studentspreppen. Andre medlemstilbod som er utarbeida i samarbeid med Idrettssenteret, er det berre studentar ved Høgskulen i Sogn og Fjordane som har høve til å nytte.

Medlem er alle som har gyldig medlemskort for inneverande studieår.

Studentar ved andre Høgskular / Universitet har tilgjenge til å trene med Studentspreppen ved å vise studentbevis.

Styret i Studentspreppen har fullmakt til å innvilga dispensasjonar for medlemskap i Studentspreppen. Dette gjeld ikkje for medlemstilbod knytt til Idrettssenteret.

### **§ 3. Målform**

Studentspreppen bruker nynorsk og bokmål som offisielle målformer. Den valde målforma skal nyttast i heile dokumentet.

### **§ 4. Tilknytning**

Studentspreppen er medlem av:

- Norges Idrettsforbund og olympiske og paralympiske komité (NIF) gjennom Sogn og Fjordane Idrettskrins
- Norges Volleyballforbund gjennom Sogn og Fjordane Volleyballkrins
- Norges Fotballforbund gjennom Sogn og Fjordane Fotballkrins
- Norges Studentidrettsforbund (NSI)
- Sogndal Idrettsråd

Alle idrettslag plikter å ha ei lov som samsvarer med NIF sitt regelverk og deira gjeldande lovnorm for idrettslag, sist vedtatt av Idrettsstyret 22. oktober 2015. Desse, saman med NIF

og NSI sine verdiar, ligg til grunn for vedtektene i Studentspreten, samt studentidrettslaget sitt arbeid.

### **§ 5. Kontingent**

Medlemskontingenten skal betalast ein gong kvart studieår. Utvekslingsstudentar som berre har eit semester skal betale halve prisen av kontingenten. Kontingenten skal fastsetjast av generalforsamlinga kvart år.

## **§6 GENERALFORSAMLINGA**

### **§ 6.1 Mandat**

Generalforsamlinga er det høgste organet i Studentspreten. Den set opp retningsliner for kommande periode.

### **§ 6.2 Samansetjing**

Alle som kan vere medlem (jf. § 2.) i Studentspreten, har rett til å møte på generalforsamlinga

### **§ 6.3 Innkalling og Tidspunkt**

Innkallinga til generalforsamlinga med dagsorden skal vere gjord kjend seinast ein -1- månad før sett møtedato. Saker som ein ynskjer å ta opp må vere styret i hende minst 14 dagar på førehand. Sakslista skal leggjast fram minst sju -7- dagar på førehand. Generalforsamlinga skal avviklast innan utgangen av mars.

### **§ 6.4 Rettar til medlemne**

Medlemer (jf. § 2.) har tale-, forslags- og stemmerett. Generalforsamlinga kan innvilga ein kvar deltakar stemmerett.

### **§ 6.5 Dagsorden**

Generalforsamlinga skal handsame følgjande saker:

1. Godkjenning av innkalling og saksliste.
2. Val av møteleiar og referent.
3. Behandling av årsmelding.
4. Behandling av rekneskap for føregåande rekneskapsperiode.
5. Behandling av kontigentsatsar i komande periode.
6. Behandling og godkjenning av eventuelle vedtektsendringar.
7. Behandling av prioriteringar for Studentspreten.
8. Val av nytt styre, 7 medlemmer:
  - a. Leiar
  - b. Nestleiar
  - c. Økonomiansvarleg
  - d. Utstysansvarleg
  - e. Aktivitetsansvarleg
  - f. Marknadsføringsansvarleg
  - g. Arrangementsansvarleg
9. Behandling av innkomne saker.

### **§ 6.6 Ikkje gjennomført val**

Dersom generalforsamlinga ikkje får vald nytt styre, vert det vald sju -7- medlemmer av valkomiteen, som då fungerer som interimstyre til ekstraordinær generalforsamling er halde.

### **§ 6.7 Vedtaksmynde**

Generalforsamlinga er vedtaksfør når medlemmane er innkalla på lovleg vis. Vedtak vert fatta med simpelt fleirtal dersom ikkje anna er vedtektsfesta.

### **§ 6.8 Ekstraordinær generalforsamling.**

Dersom styret eller minst 10 % av medlemmane krev det, skal det sitjande styret utan ugrunna opphald kalle saman til ekstraordinær generalforsamling.

Generalforsamling skal innehalde oversyn over kva saker som krev handsaming. Er det ikkje oppgjeve kva saker som skal handsamast vert ikkje kravet om ekstraordinær generalforsamling sett på som gyldig.

Innkalling og utsending av saksdokument til ekstraordinær generalforsamling skal sendast ut etter dei fristane som gjeld for ordinær generalforsamling (jf. § 8.)

## **§7 STYRET**

### **§ 7.1 Funksjonstid og samansetjing**

Styret har ei funksjonstid på eit år, frå 1.juni til 31.mai

Styret består av

- Leiar
- Nestleiar
- Økonomiansvarleg
- Utstyersansvarleg
- Aktivitetsansvarleg
- Marknadsføringsansvarleg
- Arrangementsansvarleg

### **§ 7.2 Mynde**

Styret er det høgste organet i tida mellom generalforsamlingane og skal sørgje for at vedtak som vert fatta på generalforsamlinga, vert realisert. Styret fattar vedtak med simpelt fleirtal. Kvar av styremedlemmane har ei stemme. Ved likt tal på stemmer, har leiaren dobbeltstemme.

### **§ 7.3 Stillingsinstruks**

Alle stillingar i Studentspreppenstyret har eigne stillingsinstruksar. Stillingsinstruksane skal informere og fordele arbeidsområder og oppgåver. Stillingsinstruksane må ikkje hindre samarbeid på tvers av rollane. Styremedlemmane fungerer som undergruppeleiar for kvar sin aktivitet, og har ansvaret for å rekruttere undergruppeansvarlege.

### **§ 7.4 Generelt om styret**

Alle medlemmane av Spretten sitt styre skal vera med på å skapa eit godt treningsmiljø for studentane, samt bidra til god organisasjonskultur med å vera aktive og engasjerte i styrets arbeid.

Styret bestemmer sjølv kven av styrets medlem som skal ha hovudansvar for dei forskjellige idrettane. Ved behov skal nestleiar ha ansvar for to -2- undergrupper.

Styret skal også velje ut aktive medlem innanfor dei forskjellige idrettane som kan komme med tilbakemeldingar ang. treningstider, treningsopplegg og utstyr o.l.

## § 8 VALKOMITÉ

### § 8.1 Samansetjing

Styret skal innan utgangen av januar setje ned ein valkomité som skal førebu val på generalforsamlinga. Komiteen skal vera samansett av representantar frå kvart kjønn, og minst ein representant frå sitjande styre, ein representant frå ein anna studentorganisasjon og eit aktivt medlem. Medlemmer av valkomiteen kan ikkje stille til val eller som motkandidat.

### § 8.2 Funksjon

Valkomiteen skal utarbeide eit forslag til nytt styre som skal leggjast fram for sitjande styre. Sitjande styre skal komme med innspel, men valkomiteen har siste ord når det gjeld forslag til nytt styre. Valkomiteen skal seinast 14 dagar før generalforsamlinga ha komme med eit forslag til kandidatar til nytt styre. Studentspretten sine medlemmer skal informerast om kandidatane som er foreslått til dei ulike verva.

### § 8.3 Gjennomføring av valet

Alle studentar som skal studere ved HiSF det kommande året, har moglegheit til å stille som motkandidat til alle verv under generalforsamlinga. Viss nokon ynskjer å stille til val, skal komiteen si innstilte forlate rommet medan utfordraren held sin tale. Etter dette skal valkomiteen sitt forslag halde sin tale. Berre medlem av Studentspretten som er til stades kan stemme. Avstemminga skal vera skriftleg. Det skal berre nemnast kven som har vunne valet, ikkje tal stemmer i favør vinnaren. Medlemmer kan berre stemme ein -1- stemme på ein -1- kandidat. Det er lov å stemme blankt.

## § 9 ALMINNELEGE AVGJERDSLE

### § 9.1 Vedtektsendringar

Vedtektsendringar vert vedteke av generalforsamlinga og må skje med 2/3 fleirtal. Generalforsamlinga avgjer tidspunkt for når vedtektsendringane skal setjast i kraft, og ikkje seinare enn 6 månader etter generalforsamlinga. Vedtektsendringar som medlemmar vil fremme på generalforsamlinga må sendast til styret seinast 14 dagar før generalforsamlinga. Berre vedtektsendringsforslag som er innlevert innan denne fristen, kan takast opp på generalforsamlinga.

### § 9.2 Oppløysing

Forslag om oppløysing av idrettslaget må først behandlast på ordinær generalforsamling. Blir oppløysing vedtatt med minst 2/3 fleirtal, vert det kalla inn til ekstraordinær generalforsamling tre månader seinare. For at oppløysing skal skje må vedtaket her gjentakast med 2/3 fleirtal. Aktiva skal i så fall tilfalla Studentparlamentet til beste for studentane i Sogndal.

## § 10 UNDERGRUPPER

### § 10.1 Om undergrupper

Medlemmer av styret har også lov til å vera både undergruppeleiar og undergruppeansvarleg for same gruppe.

Undergrupper har moglegheit til å søke om økonomisk støtte til å spele i seriar og/eller delta på andre arrangement. Undergruppa må få godkjenning av leiar av Studentspretten, før dei pådrar seg eventuelle kostnader i Studentspretten sitt namn. Viss ei undergruppe pådrar seg kostnader utan godkjenning av leiaren, vil undergruppeleiaren sjølv stå ansvarleg for dei økonomiske utgiftene.

### § 10.2 Undergruppeansvarlege

Undergruppeansvarleg (UGA) har ansvar for den praktiske gjennomføringa av treningane og skal vere innforstått med § 10.1 i vedtektene. UGA pliktar seg til å melde frå til Undergruppeleiar (UGL) dersom det skulle oppstå nokre problem eller om dei ikkje kan møte på trening.

## § 11 IVERKSETJING

Desse vedtektene trer i kraft frå 15.3.2016, og erstattar frå dette tidspunkt gamle vedtekter.